

حقوقی بیکیں۔ مجلہ مجموعہ سی

ہر آہک اون ہشندہ نشر اولنور

حقوق عائله اعتباريله قانون مدنيك

وضع ايلديكي تجددات

زوجنيك عائله برلكسنده كي حقوق ووظائف نظر تدقيقه آلسدقده بوندن اولكي مقاله مزده اشارت ايلديكمز وجهله صف اولده قانون مدنيك ۱۵۱ نجى مادهسى خاطره كلور :

۱ — قارى قوجه يكديكيره قارشى برلكك سعادتى متحداً تأمين،

۲ — چوجقارلك اعاشه و تربيه سنه برابرجه اهتمام،

۳ — يكديكيرينه صداقت،

۴ — وكذلك بربرينه قارشى مظاهرت.

مكلفيتلارى بومادهنك احكام صريحه وقاطعه سندنر.

قانون بوماده سيله برلكك وجائب قانونيه سندن ماعدا نتايج اخلاقيه سنى ده موضوع بحث ايلش اولدينى كوزه چاربار. موسيو هو بر قانونك اسباب موجه لايحه سنده بونك حكمتى ارايه ايله (فى اليوم بو صورتك عكسسه اولارق قانونك يالكز برلكك نتايج حقوقيه سنه حصر احكام ايلسى تمائلى مشهود اولقده ايسده قانونك نه وليلكك اساساً اخلاقى اولان نتايجله هيچ اولمازسه بونلرك عدم وجودى نه وليلك برلكى اوزرنده يابه جنى برتأثير درجه سنده وعندالحاجه برطلاق دعواسى اسبابى تشكىل ايده بيلمك نقطه سنده، مشغول اولمى تجوز ايتك لازم كلور. بوجهته لايحه متقابل صداقت ومظاهرتدن بحث ايلشدر) ديمشدى.

شو حالده حقوق ووظائف متقابله مذكوره دن قانونى اوله رق برلكك سعادت واعاشه سنك تأمينه متعلق بولان وجائب تفريق ايدلك لازم كلور كه بوكاده برده مشترك مسكنده اقامت ايلك لزمى علاوه ايدليلدر.

بوقضيه ثالثه اوتهدنبرى محاكمى اشغال ايدن برمسئله در. يكي قانون مدنيده زوجنيك

مشتراكاً خانه زوجيته او طور مق مجبوريتنه دائر بر صراحت يوقدر. آنحق قانونك احكام عوميه سي بوجبورتي استدلاله مساعددر.

شويله كه قانون مدنيك ۲۱ نجى ماده سي قوجهنك اقامتكاهنى قاريشكده اقامتكاهى اولدينى ارئه ايلديكى كې ۱۵۲ نجى ماده اوك انتخابى قوجهيه عائد بولندينى حكمنى وضع و ۱۶۲ نجى ماده آنحق (قارى وقوجهدن هر برى مشترك حياتك دوامى يوزندن صحتى، شهرتى ويا ايشنك قيسى جدى صورتده تهلكيه دوشديكى تقديرده ومجرد بومدتجه آبرى برمسكن ايدينه بيله جكارينى) تصريح ايله بو احوالك فقدانى صورتى واحوال عاديهده آبرى برمسكن ايدينه ميه جكارينى كوسترمش اولدينى و ۱۳۲ نجى ماده دخى محق بر سبب اولقسزىن زوجيندن برى اوينه دونمديكى تقديرده آريلق لاقلا اوج آى سورمشمه ديكرى بوشامه دعواسنده بولنه بيله جكى « حكمله مشترك مسكن مجبوريتى تايد ايتش بولندينى آكلاشيلور. امدى زوجيندن برى بووظيفه سنى باياماش اولورسه نتيجه سي ندر؟ قانونك ۱۵۲ نجى ماده سيله معين زوجك خانه زوجيتى انتخاب حقى برحق اولدينى قدر برده وظيفه در، نسايرين زوج بوحقدن فراغت ايلديكى بيان ايده مز، ذاتاً نه وليلكك نتيجه طبعيه سي اولان بو حكمه مبنى زوجه زوجندن اوك تداركنى ايستمك حقيدر. زوج بووظيفه سنى باپماز ويا انتخاب ايلديكى اوه زوجه كلرسه قوه جبريه استعمالى ايله بوحق تايمين ايديه مز ويا خود بوبابده وظيفه سنى بايقندن امتناع ايدن طرفدن ضرر وزيان طلبى موضوع بحث اوله ماز، آهق ۱۶۱ و ۱۶۳ نهايت ۱۳۲ نجى مادهنك تطبيقى طلب ودعوى اولنمسه وبوجمله بوشامه يه سبيت و يرلش اولور.

احكام سابقه مز اعتباريله ناسيزه بولنميا ينعى مهر معجلنى آلدينى حالده زوجه مخالفت وعصيان اوزره اولميان قادين غيرمسلمه وزوجى فقير وصغير دخى اولسه زوجى طرفندن اتفاق، لباس واسكان اولتوردى. اكر قارى خسته لنى ويا زوجيته صالح بولنامسى حسبيله مدخول ها اولميرق باباسى اوندق قالمش ويا مهر معجلنى آلمش اولدينى حالده نشوز اوزره بولنش ايسه زوج كنديسى اتفاق واسكانه مجبور دكلدى، بويه نشوز اوزره بولنان زوجه علمنده اطاعت اعلامى آلدقده اطاعت ايتزمسه نفقه ومسكن حقى ساقط اولوردى. دها مقدمارى اطاعت اعلامرينك قوه جبريه وضبطيه معرفتيله اجراسى جهته كيدلديكى واقعدى.

زوج زوجه سنى كندى ايستديكى محله او طور ته بيلوردى، يعنى شيمديكى حكم قانونى

موجب‌به مسكنك انتخابی حق زوجه ماند ایدی، شو قدركه جیران صالحین آراسنده برخانده اسكان ایتمی لازم كلوردی، قومشوسز او مسكن شرعی عد اولمازدی، خانهدن‌ده مقصود مطبخ و خلا کی مرافی اولان و كلیدلوب مستقل اوله‌رق کیمسه‌نك حق دخول ویتوتی اولیان اوته دیمکدی. مع مافیه مسكن اغنیا مسكن فقرایه بکزمیه‌جکندن هر حالده مسكن خصوصی زوجینك حاللرینه کوره اولق لازم كلوردی. فرانسز قانون مدنیسی ۲۱۴ نجی ماده‌سیله تصریحاً «زوجه زوجیه معاً ساکن اولغه وزوجی زرده اقامتی مناسب کوریرسه کندیسنی اوراده تعقیب ایلمکه مجبور اولدینگی» تعیین ایلشدر.

حالبوکه آلمان قانون مدنیسی ۱۰ نجی ماده‌سی احکامنجه «زوجه زوجینك اقامتگاهنده ساکن اولورسه‌ده زوج ممالك اجنبیه‌ده زوجینك کندیسنی تعقیب ایتیه‌جکی و ایتمه‌جکی مجبور اولدینگی ر محله اختیار اقامت ایلدیکی حالده بو حکم جریان ایتز و زوجینك اقامتگاهی بولمادیکی ویا زوجه زوجینك اقامتگاهنده ساکن اولغه مجبور اولدینگی مدتجه شخصی ر مسكن اختیار ایده‌یلور.» زوجیدن برینك مشترك حیات تأسیسی حقنده‌کی طلبی ر حقت سوء استعمالی شکنده اولدینگی آکلاشیلورسه دیگرکی بو طلبی قبوله مجبور اولماقله برابر مذکور آلمان قانوننك ۱۳۵۳ نجی ماده‌سی [زوجینك یکدیگرینه قارشی حیات مشترکه ازدواجه کیرمك مجبوریتنده اولدینگی] ارااه ایلشدر.

یوقاریده اشارت ایلدیکی اوزره ر ماده مخصوصه موجود اولماقله برابر قانوننك حیات ومسكن مشترك مجبوریتی حقنده‌کی احکامی قبول ایلش اولدینگی بدیهیدر. آنجق ۱۵۲ نجی ماده‌نك اطلاق عبارته و آلمان قانوننده‌کی تقیدك موجود اولماسنه بناءً مسكنك محالی تعیین زوجینك تحت اختیارنده قالدیغدن زوجه قوجه‌سك داخل ویا خارجه‌ده ممالك اجنبیه‌ده انتخاب ایده‌جکی اقامتگاهنده قوجه‌سنی تعقیب ایلمکه مجبوردر. عکس حالده زوج قانونك بو بایده کندیسنه بخش ایلدیکی حقوق و تأییدادن استفاده ایده‌یلور. شو قدركه حاکم بالطبع کافه مسائلده اولدینگی کی بو حقت سؤ استعمال شکنده‌کی قوجه‌نك بی‌وجه و بی‌ثروم و قاریسی تلقی اولنه‌یله‌جك انتخابلرینی تجویز و حمایه ایلز. بالکنز بک منطقی و طبیعی‌درکه بو وجهله زوجینك انتخاب ایده‌جکی مسكن عائله‌نك ایرادی،

وضعت مالیہ سی، زوجینک موقع اجتماعی و شرائط صحیہ و سائر مقتضیات احوال نظرہ آلهرق انتخاب ایدلک لازم کلور، لکن عجبا بو مسکن مستقل اولق و مثلاً زوجینک ابونینک مسکندن آری بولمق لازم کلورمی؟ (روسمل) و (منا) یہ کورہ زوجہ زوجینی مستقل بر مسکن تأسیسنہ مجبور ایدہ بیلوب زوجینک ابونیلہ عین خانہ دہ اوطور مفعہ مجبور دکلدہ.

حالبو کہ موسیو (هور) ک قانون مدنی لایحه سنک اسباب موجبہ مضبطہ سنک ۱۳۲ نجی صحیفہ سنده «قاری یہ قوجہ سنی مستقل بر مسکن تأسیسنہ مجبور ایدہ بیللمک حقتک بخش واعطاسی و عکس حالہ خانہ زوجیتده تشریک حیات قیدینہ تابع اولماق مناسب اولوب اولیاجنی جای سؤال کورلمش و اجتہاد محاکم علی الاکثر بو مرکزده تجنی ایدہ رک علی الخصوص زوجینک زوجینک ابونیلہ بر خانہ دہ زوجیلہ اوطور مفعہ مجبور اولمדיنی حقندہ اتخاذ مقررات ایدلمش ایسده بز عمومیت و اطلاق ایلہ پک شدتلی برد لاتی اولہ حق بویلہ بر حکم اتخاذدن اخیراً صرف نظر ایدلک، سوء استعمالک باشقہ و سائط ایلہ اوکنی آلمق ممکندر» یولنده بیان مطالعہ ایدلکینہ و مذکور لایحه قانونیہ بو نقطہ دہ تعدیل ایدلکینہ کورہ موسیو هورک مطالعہ سنی ترجیح ایلش دیمکدر.

احکام سالفہ مزہ نظراً زوجہ کندی مسکندن زوجینک ابونینی ایلہ برابر بولمق ایستہ مہ مکہ حق واردی. زوج زوجہ سنہ مستقل بر مسکن شرعی تدارک مجبوریتده ایدی. بالمقابلہ زوج دخی زوجہ سنی ابونینی ایلہ بولندیر مہ بیلوردی. آنجق کیجہ یاتماق شرطیلہ ہفتہ دن ہفتہ بہ گلہ لرینہ و آنلر گلر سہ ہفتہ دہ بر زوجہ سنی ابونینک زیارتہ کیتمکہ مساعدہ یہ مجبور ایدی. موسیو هورک دہ نقطہ نظرینہ، اسباب موجبہ کوسر دیکی جہانہ باقیلور سہ زوجہ بر حیات آسودہ و مسعودہ مشترکہ تأسیسی قابل اولمہ حق احوالہ زوجینی ابونیندن مستقل بر خانہ اتخاذینہ مجبور ایدہ بیلہ چکی قبول اولتمق و قانونمیزک بو بایدہ ساکت اولمغلہ برابر احکام عمومہ سنہ نظراً حاکم وضع حالی نظرہ آلہرق بویلہ بر مسئلہ دہ حق تقدیرینی سربستجہ استعمال ایدہ بیلہ چکی نتیجہ سنہ وارلمق لازم کلور.

شیمیدی نظر منری زوجینک حقوق سائرہ سنہ توجیہ ایدہ بیلورز، ایلک صیرہ دہ [برلکک سعادتتی متحداً تأمین] قیدی مذکوردر. بالطبع ٹولیکک برلکک تأسیسندن غایہ مشترک بر حیات مسعودہ تأمیندر. بو قید حقوق اولمغلہ برابر عین زمانہ اخلاقی

بر معنای محتوی بر حکم اولدینی بدیهیدر. آنحق قانونك شكل تحریرنه نظر آدها زیاده قانونی وصفی موضوع بحث اولمق ایجاب ایدر. باشقه مقاله مزدهده اشارت اولدینی وجهله نولیک برلکی کوچوک مودهده بر جمعیت . بر شرکترکه موضوعی سعادت مشترکه ایچون توحید آمال ومساعدیر . [ماده ۱۵۳] عائله نقطه نظرندن زوجینك شخصیتی ، فردیتی غائب اولور. حتی اسماریله برلشور، طرفینك هدف اعمالی بتون امیدواستقبالی یکدیگره انقلاب وامتزاجله ذوق حیاتی آنحق بو برلکده تحصیله مصروف قالور . بو اعمال ومساعی هم مادی وهم اخلاقی قاطعه، هم برلکك سعادت وحضور مادیسی وهم سعادت حضور معنویسی تأمینه متوجه اولمق لازمدر، سعادت مادیه زوجك خارجهده کی مساعیسیله برلکك احتیاجات مادیه سی تأمین (ماده ۱۵۲) وزوجه نكده اوك داخلی انتظام واداره سی حسن تدبیر وتدویر ایله (ماده ۱۵۳ ، فقره ۲) بومفصدی تکمیل ایلمی لابددر . مع مافیہ بوتقسیمی قطعی عد ایتك دوغرو اولاماز ، چونکه قاعده اساسیه بویه اولغله برابر زوجین یکدیگره قارشی متحداً ومتقابلاً بو بایده مسئول ومتعهد اولدقلرندن مثلاً زوجك خستهلق ویا وظائف عسکریه ویا اسباب مجبره سائر طولایسیله موقه بوبایده کی وظیفه سی ایفا ایدمه سی احوالنده وزوجه نك زوجك مقامنه برلکك احتیاجات مادیه سنك تأمیننه چالشمی لازم کله چکی قبول ایدملیدر .

احکام سابقه مزك عائله خصوصنده مبدأ قیامی باشقه اولدیغندن احکام متفرعه نك یکدیگرینه مطابق اولدینی وزوجین آراسنده دها زیاده بر عقد معاوضه جریان ایلمکده اولوب قارینك حبس وتخصیص نفس ایلمش اولسیله برابر زوجك تمامأ شخصیت واستقلالی محفوظ قالدینی وبالطبع وزوجهده مادی نفسندن باشقه بئلکندن ، معنویتندن برشی عائله یه فدا ایتکه مجبور قالیه رق میانهده کی مناسبت مادی وشکلی اولمقدن ایلرویه کچمسنه لزوم کورولمدیکی نظردقتدن نهان دکلددر . ایشته بوجهتله احکام عمومیه اعتباریله زوج وزوجه سنه حسن معامله ومعاشرتله مأمور وزوجهده زوجك موافق شرع اولان امرینه اطاعتله مکلف اولدینی وحقی (ممکن اولسه قوجه سنه قادینك سجده ایتمی لازم کله چکی) درجه سنده قادینك بومکلفیتی قوی عد ایدلدیکی حالده حتی زوج چو جوغنی ارضاعه مجبور عد ایدلمزدی . وپدر سود آنا استیجارینه مجبور ایدی ، حالبوکه ۱۵۱ نجی ماده

قانونیه به نظر آهولیک برلکنده زوجینک (چو جقارک اعاشه و تربیه سیه برابرجه اهتمام ایتمک) الزاملرینه مبنی بویه بر مسئله نیک برلکده و برلکک طبیعت معینه واساسیه سی اعتباریه خاطره کلیه جکی بدیدیر . سابقا یالکیز چوجق کندی آناسندن باشقه سنک نه سنی آمازسه آنجق احوالده سابق زوجه چوجقنی ارضاعه مجبور عد اولنوردی .

أوت احکام سالفه دهده خارج اعمالی زوجه و داخل اعمالی زوجه یه عائد اولق قبول اولمشدی، آنجق مثلاً قالدین اوده یمک احضارندن امتناع ایده جک اولورسه زوج اوزرینه لازم اولان قالدینک خدمت ایدر مقوله دن اولماسی شرطیه حاضر یمک تدارکی ویا برآشچی جلب واستخدام ایدردی . قاریه عائله نامنه بر فدا کارلق تحمیلی نایمجلدی .

عجبا قالدین برلکک سعادت مادیه سنی تأمین امر، نده خارجی مساعیده بولنه رق انتساب ایلمس اولدینی ؟ مسلک ویا صنعتله اشتغال ایله بیلورمی ؟ برلکک مالی احتیاجاتی مساعیده سیله تأمین ایتمک ارککک وظیفه سی اولدیغنه کوره قالدین بوکا مجبور دکلدیر ، آنجق قوجه نیک برسبیله مکلفیتی ایفادن عاجز قالدینی زمان ۱۵۳ نجی ماده نیک قالدینک کوچی یتدیکی قدر مشترک سعادت تأمین خصوصنده قوجه یه معاونت حقدده قویدینی قید و مجبوریته بناءً قالدین اؤک خارجنده برمسلك وصنعتله اشتغال ایله عائله نیک تأمین معاشی ضرورتنده قالور .

احکام سالفه یه کوره زوجه نیک کسبه حاجتی اولماز . کندیس یه آب و غاسله دخی اولسه حتی باشقه آب و غاسله اولماقله اجرای صنعتی فرض کفایه یله بولنسه حتی زوجک فرض کفایه یه تقدیمی جهتیه زوجک زوجه سندن خروجی و اجرای مسلک و صنعتی منعه حتی واردر . اساساً زوجه نیک نفقه سی صورت مطلقه ده زوج اوزرینه اولوب حتی زوج زوجه سنی انفاقدن اظهار عجز ایدر سه حاکم تقدیر ایده جکی نفقه یی استدانه ایچون زوجه یه اذن ویره جکندن هر حالده زوج نفقه سی کسبه مجبور دکلدی، حتی کندی مالندن بیله یمکک جبر اولمازدی . زوجۀ غیه نیک زوج فقیری ینه زوجه سنی فقیرنیک مافوقی وغیه نیک مادونی نفقه ایله انفاق ایتمک لازم کلوردی . اگر زوجک بوکا وسعتی یوقسه زوجه نیک زیاده طلبی زوجک مال یسرینه معلق دین اولوردی . امدی احکام جدیدۀ موجوده یه کوره زوج قادر اولدقچه زوجه برمسلك وصنعته سلوک ویا تجارت اجراسیله اولیک برلکنک تأمین اعاشه سیه، سعادت مادیه سنک تزید و تسهیلنه مجبور اولماقله برابر قانون مدینیک

۱۵۹ نجی ماده سی حکمنجه (قوجه نك صراحة و یا ضمناً مساعده سی ایله برایش و یا صنعت ایله اشتغال ایده بیلور) کرک بو حکم و کرکسه بو ماده نك احکام سائر سی بر طاقم نقاط مهمه به متوجه اولمغله بر چوق استطرادلر ایله مسائلی طاعنامق ایچون بو مباحثک بر فصل مخصوص اوله رق تدقیقی آتی به براقه مجبوروز. زوجینک عائله برلکنده حقوق ووظائفنک برنجی اساسی تشکیل ایدن برلکک سعادتق متحداً تأمین نقطه سنک تشریحی اکال ایتمک ایچون بو سعادتنک جهات معنویه و اخلاقیه اعتبارله زوجینه توجیه ایلدیکی وظائفی ده نظر دن کچیرمک لازمدر. بو ساحه غایت واسع و ده ا زیاده اجتماعیات، فلسفه و اخلاقک شموله داخلدر، طرفینک حسن معاشرتی، یکدیگرینه قارشی اتخاذا ایده جکی طور و مشوار، حسن امتزاج مر برینک طرز میشته، عائله نك وضع اجتماعیه کوره حیآنده اختیارینه مجبور اولدیگی شکل، اختیارینه مجبور اولدیگی احوال و اوضاع و اعتیادات، کرک قادین و کرک عائله نك مساعده مالی سی خارجنده کرک کیینیش، کرک کزوب اکلنمه خصوصاً نده طو تدینی یول حقنده کی احکام و الحاصل تعدادی غیر ممکن بر چوق مسائل بو، بچنک دائرة شمولنده در. بو کی احواله طرفیندن بری ۱۵۱ نجی ماده نك سعادت عائله یی متحداً تأمین امرنده کی حکمنه قارشی مالآندن منع ایچون طرف دیگرک مراجعت ایده جکی طریق قانونی آنجق ۱۶۱ نجی ماده قانونیه نك بخش ایلدیکی طریقدر که بوده حاکمک احوال و وضعیتک ایجاب ایده جکی تدیرایله بونک اوکنه کچمکه چالشمسیدر. بو طریق چوق دفعه غیر کافی و نظری بر طریقدن عبارت قانغله برابر نهایت ایجاب کوره ۱۳۴ و یا ۱۳۱، ۱۶۲ نجی ماده لر حکمنک تطبیق ایله بوشامه و یا ۱۳۸ نجی ماده دائرة سنده آریلقله مسئله نك حل قطعیه نه کیدیه بیلور و بو موادک موجودیتی ده حاکمک و طرفینک ۱۶۱ نجی ماده دن استفاده سی ایچون قوه الظهر تشکیل ایدر. شیمی نظر مرزی زوجینک ایکنجی یعنی چو جقلرک اشاعه و تربیه سنه برابر جه اهتمام حقنده کی وظیفه سنه توجیه ایلک لازم کلور که بونی ده دیگر مقاله به ترک ایده جکیز.

آووقات

محمد طلعت